

docriver 文川网  
入驻商家  
在文川网搜索古籍书城 获取更多电子书

中國方志叢書·華中地方·第三八九號

據 民國·柳琅聲等修，韋麟書等纂  
民國十五年鉛印本


影印

四川省

# 南川縣志

(一)

成文出版社有限公司印行



中國方志叢書·華中地方·第三八九號

據

民國·柳琅聲等修，韋麟書等纂  
民國十五年鉛印本


影印

四川省

# 南川縣志

(二)

成文出版社有限公司印行



\*10101386\*

中國方志叢書·華中地方·第三八九號

據


民國·柳琅聲等修，韋麟書等纂  
民國十五年鉛印本

影印

四川省

# 南川縣志

成文出版社有限公司印行



\*10101387\*

四川南川縣志

docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第三八九號

據

民國·柳琅聲等修，韋麟書等纂  
民國十五年鉛印本

影印

四川省

# 南川縣志

(四)

成文出版社有限公司印行



中華民國六十五年 月臺一版

# 南川縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修南川縣志卷首

敘

緒言

目錄

南川縣志

一首都明明印刷局承印

一首都明明印刷局承印

--	--	--	--	--	--	--	--	--	--



敘

世稱醫之良者曰壽人壽世竊謂醫之能事止於壽人而已何謂壽世國有史所以壽其國之世邑有志所以壽其邑之世家有譜所以壽其家之世有國有邑有家而無此三事爲之前者無以示後爲之後者無以溯前舉綱緝之所化育賢智之所經營豪傑之所奔馳祖宗之所締構不數十百年消滅無遺跡斯之謂不壽昔人謂天大道大史亦大蓋有見於此也都邑有志猶列國有史漢晉時代承學之士閉戶爲之詳略由己包羅未臻宏備自明以來州縣始一律撰志閱數十年必一續修於是小行人五書遂爲守土者職務之一觀民設教借資考鏡不爲不要矣顧其事之難難在以一志體例賅通史之全以一邑制作係全國之大雖彈丸蕞爾門類紛繁瑣碎搜集欲裁酌義例網羅放佚非寬以歲月不爲功一遇金革之起財用之絀職任之遷調黎獻之淪亡則中道而廢瓊聲黔東舊族忝竊國榮三世作宰雖才具驚弱無以報稱簿書之暇未嘗不留意於茲然所悉十餘縣求其前後銜接文獻足徵者未之慊也民國初先君反自嶺南無復出山意遂應總纂邑志之聘瓊聲追隨定省亦與分校之列未幾以款絀罷越庚申年省城又倡續通志今教育總長任公可澄主之先君子副焉謂朝代廢興之際方隅

大事絕續所關不得不扶病以往詎壬戌五月卽於局中棄養而省志亦至今未成也宇宙間一切事物毀易成難往往如此琅聲才匪龍門而抱見父河洛之痛受無忘論著之囑但得一分盡力地無不奮臂從之十四年夏奉檄視蜀之古隆化甫下車適成渝各大憲通飭各屬續修縣志或謂簡書未息徵調方設文事迂闊雖有令固無暇及此琅聲曰否文質之用論語棘子成章辨之析矣質以充文文以表質二事常相儷而不可離而亂世之文尤急於平世平世人事修明文卽合於質中不更爲表暴可也亂之極者城池傾陔衣冠塗炭典籍銷沉舉人之所以爲人國之所以爲國者胥掉喪之於此不加收拾整理爲守先待後之謀長夜晦冥將伊胡底且古先哲人如微子抱器孔鮒藏書蕭何收圖籍不盡屬多事乎疑者乃止爰咨縣會議長羅君詠霓開會議決聘韋君聖祥擔任總纂就會所設局期以再稔予聽覽稍暇卽延共事諸人互相商榷自知傳舍之客不及觀成然猶野人蒔果不爲親嘗蠶婦採桑不爲白衣也諸君子勉之以琅聲之驚值時局之艱承乏是邦豈曰有政不過如寓公食客有適館停驂之雅凡有益於主人者稍盡其綿薄耳次年五月瓜代訊至邑人以謀始之勞乞敘弁簡爰書已見並事之起原如此 知南川縣事志局監督印江柳琅聲撰 民國十五年五月上浣穀旦

重修南川縣志在事姓氏

監修

前南川

縣

知

專柳琅聲

襄理

清增貢生

前

縣

議

事

會

議

長羅雲程

南平鎮督練長巴南清鄉處處長

張毅

清法政卒業生前團練局長

蕭傳爵

前團練局長商會公斷處長

楊光國

北京法政大學卒業文官考試分發奉天知事邑教育局長

李暄榮

收支

商會副會長

李應樓

總纂

清廩生高小學校教員

章麟書

協修

清廩貢生四川省臨時省議會議員

賀能鎮

纂修

清拔貢生北京法政大學法律科畢業前南川縣視學

陳延烈

清附生考授吏職兩等女學校校長

皮人鑑

清增生日本弘文學院速成師範科畢業綏縣視學

羅祖澤

清廩生教育會長

皮人璞

川東師範畢業生高小學校校長

劉代俊

採訪

清廩生統計課長

楊雲璈

清武生東北區勸學員

徐海昌

川東師範卒業生

周綺

高小校卒業生

周世樑

義務採訪

劉榮鄉

章心田

江效先

婁湘澄

劉耿光

李維翰

葉蔭濃

傅安之

馮紹京

楊藩

鄧澤存

譚敬達

李華麟

劉文簡

章編

安懷瑾

陳仲亨

王均

猶才煒

張鼎三

劉杰生

王國相

龔正平

婁澤安

劉繡珊

王立三

王伯英

張紹濤

楊育芬

曹應均

章雅周

劉瓊仙

馬季良

梁藩

張思訓

章華蔽

康華袞

張邦鑑

李選華

程坤載

章鳳書

章馨吾

許雲仙

陳道庸

張鵬翼

羅祥莫

江溱波

婁宣三

婁宣誠

楊巨源

王懋簡

章幹勳

繪圖


四川測繪學堂畢業生

龍舞臣

繕寫

龍紹圃

張博臣



緒言

中華民國十有四年夏四川督理楊省長頌會銜通飭各屬續修縣志并發清代段懋堂先生富順縣志綱目序例作藍本俾歸一律邑令卽江輝公環聲尤注意地方文獻集紳商議由縣議事會召集臨時會議一致贊成遂於是年十月設局延聘主筆賀君國藩皮君芷衡等贊之固辭弗勝公謂君終民始絕續之交不取緼緼後益難徵雖弗能善視無猶愈乃於次年春初從事採訪謂段例簡嚴根柢史漢規撫華陽誠方志典則也惜僅見其序未獲讀其書苟學識驚下徒襲其篇目亦實積遺珠耳茲役之難乃合君主民國爲一書觀數千年空前絕後之變局承舊說新而革命伊始民志未定國是猶歧邑志雖一隅幸故然同此政俗範圍因事立言言之不審不無生心害事作事害政之懼而謗亦隨之體裁猶其後也故不復株守序例綜核事實分類敘述納記表考傳諸體於中通名曰志復覓旁縣新著數部觀其會通擇善而從不標凡例惟述者間或竊用己意以達微指閉門造不來出門合託爲緒言列於左方志之言識追溯地方蹤蹟以資後人考贖備遺志識大體小謹修其故不敢逞私意有所損益職盡於是矣然今日世界開通厲行進化事業日繁競爭日劇尙智而不任力咸用文字書籍

爲灌輸智識轉移風氣之利器凡百著述下至區區法義皆求有影響於國家社會况地方歷史已往之樂利災害民智民德民俗民生皆與長居此地之人直接相感猶通鑑一書前代之興衰治亂卽後代之金鑑指南也士人濡毫吮墨欲有所貢獻於里閭桑梓就近吹噓孰有便於此者茲編不揣惛昧於記載我世事實雖存管窺臆說以忠告社會爲宗旨不拘拘於述而不作敘而不辯之定體知我罪我聽諸吾人之公論

邑志三修皆在清代蔣侯披榛不免簡略後四十五年魏令重修增廣幾半事類始備又二十五年黃顯魏書十九卷錄舊文而移易其門目增補同兵燹創辦學田二事及廿年間職官選舉姓名而已今若但續黃後功省事易但自乙亥至今五十二年歐化東來全局波盪國政民習軌步遷移今日地方之得失利害非前之得失利害也昔之所無今之所有昔之所有今之所無昔之所禁今許之昔之所重今輕之損益去取復乎不同前書皆作於清代官紳本朝臣子事涉當守循例頌揚今時代已更據事直書溢美之詞并宜省去故舍易就難一律改編定其名曰重修

議修之初有主止於清末者謂民國自爲一代且喪亂弘多法制尙未確定宜懸以待後此斷



代說也。意不然。邑志與國史異。國史以朝代爲主。土地爲賓。故其名曰漢書晉書唐書。邑志以土地爲主。朝代爲賓。故其名曰某地圖經某州記某縣記華陽國志蜀故也。自人皇訖於東晉。豈一代耶。邑志清代惟缺光宣兩朝疆域賦稅學校兵防小邑僻靜。篤守成規。都無甚事。惟民國規模變易。頭緒紛繁。革命十餘年來。迭齟變故。文案殘缺。老成殞謝。必待乾清坤夷百度維貞。然後搜集考訂。恐杞宋無足徵矣。乃議決以書竣之年止。

舊時修史每篇弁以小序。遠溯上古及於見世。法制風氣之因革變遷。而參以議論。廿四史三通莫不如是。施之縣志。空衍膚廓。且病雷同。章實齋氏力斥去之。宜也。然此特以言之不切。張有冠而李共戴云耳。若能在縣言縣。於粉榆丘里。聞見真確。就身家邦族。特別關切之得失利害。而著明之。豈曰無當。今於十四篇首。仍爲弁言。就已著之跡。反復推究。冀對於桑梓。効一得之愚。以外每篇各節間。有感發或附後。而爲按語。爲記者曰。或於敘述之下。直接論說。取其貫注亦一也。是非得失之林也。惟不敢稍挾私心。徇偏見。以滋罪戾。閱者諒之。

贊有二體。前漢書每篇後必作贊語。乃史斷也。後漢書晉書變爲四言叶韻。褒貶論斷。實與班同。惟袁宏作三國名臣贊。常璩作三州士女讚。乃純係贊美。茲編於按語記者曰。外遇山水人

docsriver 文川网  
入驻商家 古籍书城

在文川网搜索古籍书城 获取更多电子书

物心傾神往開綴四字句乃替噴登揚與史家論贊有別

每條敘述正文下當旁徵別引以為證明者用小字雙行分書於下至注語之事實名物又有須引證者即直接本行小字下作（）以界之

邑志綴緝近事義無深隱本不須自加注釋顧篇中於前代故事每多自注者蓋自變法革命

政治文學十九以新易舊學堂教科書白話文文字雖同蹊徑稍別從前制作既經革黜簡牘

復鮮流傳變日常見習聞今頓化為僻典

例如往時童蒙普讀四子書前稱四書此人人皆知者今既廢讀使驟與少年

陰曆歲時使驟與少年言及朔望彼必不能辨為一日二日也

不必異聞隱語而後令人莫知所謂也如不稍加說明雖淺近恐不盡知

此為普通瀏覽計非敢以塵大雅之目

革故鼎新之會有勇於趨新者有篤於守舊者二者常立於反對地位互相訾謗且各袒所執

以迫他人之從己是固人情之常也抑人性之偏往往有所傾向即務各走極端趨新則并其

不必趨者而亦趨之萬事皆欲改更守舊則於其不可守者而亦守之甘為古人奴隸其實古

往今來事勢之變更無窮義理之是非遞變惟莊子齊物論所見甚達志書於舊於新一邑人

事之所有調查之所及靡不記載是非得失聽人自審如曰今之潮流若何重點安在某事不

足記某說不應倡此持論之宗旨非紀事之實錄也

自歷年大亂搶掠殺戮苛政繁斂民不聊生於是鄉里善良之人所趨者兩途其一不關世事脫離汗垢入玄門而清修其一祈禱神佛勸行慈善冀以挽人心消劫運前者爲厭世派爲獨善其身勞瘁隱士道流古之人不乏行之者但今日之亂真如水銀瀉地無孔不入在城危險在鄉危險名山勝境常爲盜賊淵藪何處可以藏身後者有仁心而無仁術鬼神佛因果報應虛渺無憑至於人之不善由於國家政治不修家庭教育不良教育良否以家庭社會二根學校尚在其次社會公理不

於驅人爲惡關係甚切甚大

地方生活難求四大原因釀成之欲施以轉移化導不從病源着手空言勸善迂

闊固效非澈底辦法記者於此兩途不甚主張且有微言非好惡而惡善也今日之善以同德

同力去私爭興公利爲本領作用能振起一羣之人不窮不弱不愚庶劫日消而亂日弭

南川古巴國餘壤地顯於戰國受治於秦漢設縣於初唐開化甚早雖常志謂夏巴蠻夷族類

非一泛指今東川道一帶然究與南中今雲南

牂柯諸蠻部釐然有別惜地域僻靜人物事蹟隻字無傳令人遂

疑元明以前尙爲化外非也宋史有南平圖經一卷其書久佚當時以熊本平獠所得銅佛瑞地置軍復湖南平隆化二縣隸之是南平自有屬地而兼統二縣其時三域皆可稱南平舊志

載名宦鄉賢渾言宦南平及南平人者是否在今南川域內不可考故今皆不直認爲邑吏邑人以謹附會

南川在秦漢爲枳縣屬地枳縣治雖在今涪陵而南川邊界去涪城不及二百里兩治城相距不及三百里當時一縣地當明清一府一州南川必在巴郡枳縣境內無疑漢儒尹道眞爲牂柯毋斂人毋斂卽不可知而枳縣可據則尹之非邑人無復疑義志以徵信旣明知其非何必故作游移之詞况遵義府志考核最精斷毋斂尙在烏江之南千里之外乎前三志俱以弁人物首今徑去之所以明縣界也閱者幸勿詆爲擅妄

昔禹平水土主名山川山川無名人爲之名然宇內山川載在圖籍者皆跨州越郡蹠鬱貫穿數百里始得一二字爲之名至下邑僻鄉培塿溝壑隨地高下若斷若連語其大則無一可名語其小則土人某坡某岡某溝某溪隨地呼名而名乃紛如無可舉以賅其全舊志但列山名水名或挂此漏彼或析一爲二爲三皆由不可分而強分之不可名而強名之故難清晰使人矚目不能了了此次志山水務尋脈絡窮源委以幹領支繫支於幹山則定其形勢方位相連者不强斷無名者不强名邑除二三平壤外餘莫非山志山卽志地也水則溯其發源經過有

條不紊惟既分條流則每條不得不各爲之名又不可一條而有數名不得已取鄉俗所呼之一節以冠其全如龍川黑溪本中流一節之名魚泉本上流一節之名而皆用爲一條之總名是也若鳳嘴龍崖龍川魚泉在邑俱爲大水因下流合爲大溪而後出境亦忍沒其名以大溪統之不如是則枝幹不清晉國主盟趙鞅魏斯雖强大畢竟是大夫臣僕滕侯薛侯雖小弱畢竟是友邦冢君也茲役用力之勞山水爲最然究以時局未寧能力有限不獲實行測繪窮高極深爲憾

中國隆禮由禮莫過三代曲禮明言禮不下庶人其實禮之自上而下達於庶人者莫若冠婚喪祭曲禮言不下者非一概無禮特極簡略耳秦漢變古冠禮遂廢昏禮除夫婦交拜謁見舅姑親姻外直爲狎嫖戲樂喪祭祈禱則純用巫佛道諸教爲主辦舊日各志均不認爲禮但列之風俗又以人不可無禮或舉當代所修禮書以爲具文而未實行者摘略附載意在不廢儀羊冀有復行之一日也但自革命後舉世風俗舍中慕西六經古制繁碎迂曲已廢于焚坑之年豈能復活於變俗之後禮貴從俗又曰時爲大末俗非禮之禮既爲衆人所共由卽認爲代後之新禮亦無不可故志中禮儀一篇極爲拉雜禮與俗漫無區別亦荀子舍古法近之意

人材升降緣時代風會而殊南川片壤僻在黔蜀之交設邑以來方隅閉塞豪傑不興無赫赫然之豐功偉業拔萃殊尤可書於篇舊志新採不過曰某孝於親友於兄弟某行止端方取子廉潔好義樂施足稱鄉里善人而已間有奮跡泥塗廁身仕宦者文終六品武止偏裨遲滯偃伏無所展布以立名當世時地爲之也民國成立極端開放育才之術既宏用才之途尤廣羣英蔚起議論猷爲擺脫從前拘閼視此寥寥私德小善必不屑意以爲無足稱述效法者也然美貴徵實邑志猶國風也二南雅化所歌詠者仁厚之公孫貞潔之游女訓俗型方如斯已足何必效楚誚鳴珩齊嗤照乘以爭鄉里光榮也哉茲編所載人物就地取材旌別淑慝樹之風聲凡足挽澆漓興仁讓者人微事近在所不遺卑邇易希愚夫愚婦之感發效慕或在此不在彼

邑志異於他史他史以人事爲幹邑志以地理爲基一邑之編但稱方域輿圖所以表其形也說地諸條彰其用也合圖輿說而爲志文質備體用呈矣有此員員厚載其上遂有物有人有事紛亂殺列必設種種機關以聯絡之統率之分限之然後各得其理故次建置掌一縣機關最高者官吏也故次職官有君子勞心於上行法出令小人乃能勞力于下四民安分執業通

工易事而食貨孳焉故次食貨食貨者私人營之爲產業公家資之爲賦稅分上下篇記之而先賦稅後產業者先公後私寓愛國急公之義焉衣食足而禮義興教讓教親益以保障其共同之生活故次禮儀有非周公所制春官所掌而一方一族上牽天時下襲水土遠本祖先習慣其衣服飲食居處用物至於性情之好惡才具之短長氣象之文野言語名稱之同異皆與他方他族不相渾合彼輩自視幾若禮度之不可踰越此何物也故次風土風俗有純有疵方隅之民氣質識見偏頗駁雜非以教化陶鎔之將爲羣害故次學校學校之教非獨可善普通之風俗且能育有用之人材成則登進之入使治出使長乃旬乃宣庶績成熙膏澤逮下而風俗益隆故次選舉至是而治內利羣之道備矣然五洲分裂畫爲萬區一羣一國之號令不出於疆他羣他國恆欲侵奪兼并以自利卽同羣同國之豪暴者亦時時攘臂逞爭非甲兵不能威之服之也故次兵防內務理外患祛可同躋豐樂仁壽之域矣然使民惟各私其身家求樂利地方共同生活之務又將誰屬况因材有巧拙而生活不均天降厲虐而鰥寡孤獨廢疾饑饉疾疫至於札瘥天昏者常比比也既爲同羣同國當率作興事裒多益寡以博濟之并育之故次公益慈善志人物以表揚善行激厲英才所以勸人立功立德也人樂立德立功則國安



而強志藝文以濬發人類智識推闡事物義理文以載道行遠其用乃宏非取雕蟲繪藻爲悅耳目具也自人羣進化以來散走變爲地著先王乃經土設井建都立邑以安集之然人情好動一王之鐘簾屢遷世變相尋下土滄桑亦復幾易編年提綱著經過之跡以鑒善敗資閱歷曰前事可以結是編之局矣然而天人之際神仙鬼怪奇物異聞間有出乎彝倫軌物之外者毫不切于日用鄉俗則津津樂道之小道可觀其閭里之稗官敷衍而錄之間以辨駁總曰雜述又愈於博奕之用心焉

中華民國十有五年夏五月中浣邑人韋麟書謹識於縣議事會第二層樓之東偏

重修南川縣志分卷目錄

序

姓氏

緒言

目錄

名勝圖

輿圖

卷一

方域

經緯 溫度 疆域 形勢 氣候 山水 崖洞井泉 土石  
形勝 郵電 道路 津梁 名勝 古蹟 地名

卷二

建置

沿革 區畫 城隍 街坊  
衙署 局所 會場 市集

卷三

職官

宋明 清代 民國  
附駐防軍官去思

卷四

食貨

戶口 各稅 雜捐 倉儲  
農業 工業 商業 虞業

卷五

禮儀

吉禮 嘉禮  
凶禮

卷六

風土

雜俗 土語  
動物 植物

卷七

學校

清代學制 書院 學款 民國教育局  
高初級學校 學會 刊物 貨收

卷八

選舉

前代科目 五貢 文職官 武秩  
民國議員 高等以上學堂畢業生

卷九

兵防

清代汛防 保甲 團防 民國團練  
商團 警察 駐防軍隊長

卷十

公善

局會  
義舉

卷十一

人物

列傳 譜表  
列女表 壽考  
列女傳 列女譜

卷十二

藝文

專著目錄  
散賦文 詩

卷十三

前事

歷代  
民國

卷十四

雜述

釋道占驗  
附前志序  
祥異 古器 古樹  
附重修縣志始末  
叢談




圖 全 城 縣 川 南



docsriver 文川网  
入驻商家 古籍书城

在文川网搜索古籍书城 获取更多电子书

會談之前即 部黨縣川南





南 川 縣 政 府

